


ISBN 7-80519-479-5



9 787805 199795 >



重修舒城縣志

郡縣之有志所以攷古蹟存舊典辨利弊表賢才守土者之職也歷年既久未能網羅散失蒐輯遺文修而明之亦守土者之耻也余以嘉慶乙卯下車於舒

序

一

詢風攷政周覽山川舉舊志而參閱之如羹頡舊治公瑾遺踪與夫文翁三李皆為之捐廉表額以彰其盛而縣志修自雍正己酉年閱今七十餘載徒以籌畫經費未遑纂修壬戌秋鞠園

張太守檄修郡縣志適與余意見相合遂敦請諸薦紳及博士弟子員殫心釐訂損益舊書採訪新事參互攷証明辨周詳方欲籌費開雕值余以計典入都旋遷宿牧未及觀成夫余西蜀

序

二

下士也在昔舒人文翁為蜀守遣張叔等詣京師受業又修學于成都由是蜀地學于京師者比齊魯孟堅云巴蜀好文雅文翁之化也方今

皇猷允洽文治光昭而余承乏數載

無善政可述惟邑乘之修垂成
未就其何以報我文翁而稱守
土之職耶今夏因公謁大府道
出龍舒都人士告余曰縣志犁
然就緒大夫盍弁詞哉舉其勒
成者覆閱之共得若干卷歲時

序

三

物產等類今不異于古所云若
風俗以辨人心經制以昭憲典
賦稅以資國用宦蹟人物之騰
聲詩賦藝文之嗣響數十年來
蔚然大備書既成其洵足以光
大典而示來茲歟邑之幸亦余

之幸也爰述其巔末於簡端以
誌惓惓之意云

嘉慶十二年

誥授奉直大夫鳳陽府宿州知州前
任舒城縣知縣蜀西熊載陞撰

序

四

重脩舒城縣志敘

舒邑屬廬郡分野在星紀之次東界巢湖西接六南至桐城北距合肥縱橫三百餘里於山有龍眠鳳翥之異於水有鵲尾虎跑之奇土厚而宜稻土朴而有文壯哉縣自明季兵燹之後

敘

一

邑乘散佚凡建置沿革疆域田賦之屬其詳不可得聞經

國朝疊次修輯燦然大備矣而李義選舉鄉賢名宦名門類有應隨時增入者於嘉慶七年奉檄重修府州縣志是時治茲土者為今宿州牧熊君載陞又二年甲子

冬庫以不敏承乏斯邑受事後竊欲周知一邑之政而得所以措手者首詢邑志而吏以編輯未就對乃集李廉孔君繼序等而告之曰志猶史也所以驗風氣之淳澆政治之得失與夫閭閻戶口之盈縮固良有司課

敘

二

之資亦都人士蒐羅之責也諸君子生長於斯熟習典故徵文攷獻必有可觀勉襄茲役其毋怠維時諸君子毅然自任相與亟加採訪討論潤色於今年夏五月告成庫素乏史才又以簿書鞅掌略無閒暇此書之成不

過揔其大綱而其間訂正損益
則皆邑紳士之力也公退之暇
手一披閱見夫民風士習土宜
物產如指上螺紋其於從政之
先後亦可知所從事已爰弁數
言於簡端

告

叙

三

嘉慶十一年歲次丙寅孟秋月
教授文林郎知舒城縣事加三級紀
錄十次長白愛新覺羅長庚譔

重脩舒城縣志序

今

皇上御極之十一年丙寅夏仲材以
軍功奉

命復來皖舒城前令覺羅長君唐引

疾歸太史檄余代之時方編

序

一

輯邑乘未卒業余既習簿書奔
走風塵固未暇與都人士叅稽
而釐定之也閱歲夏五功告成
計其歲凡五稔為卷三十有五
圖表傳文以類相屬孝廉孔君
繼序等手書來謁乞一言以弁

其首夫志猶史也余以丙辰秋
因公旋里留川中者十載矣時
值小醜跳梁桑梓弗靖余義不
獲辭捐貲募勇為捍衛鄉井計
厯隨大帥剿撫躬擐甲冑愧
無倚馬草檄之才何敢侈談史

序

二

筆耶矧是役也始自前令熊君
載陞厯魏君紹源長君庚及邑
人共襄其事謗劣如余毫末忝
末議敢掠眾美為己力哉第以
重違諸君子請又念吾蜀被文
翁之化而翁為舒之偉人興教

勸學繼往開來視周公瑾李伯
時輩其流風餘韻尤繫人思余
昔伏處西陲恨不得登翁之堂
訪求其軼事遺書每讀孟堅循
吏傳輒為低徊不能置厥後登
拔萃綰半通往來淮南道上於

序

三

山見龍眠鹿起之窈然而深秀
於水見鷗溪鵲渚之瀏然而清
駛綺綰繡錯鬱蔥未嘗不
嘆翁固扶輿靈淑之所鍾而舒
之人文正將興未艾也今幸宰
斯土閱斯志徵文考獻庶求所

以報文翁者用申夙願焉其曷
敢以不文辭乃進諸君子而告
之曰天下事有謀其始而不及
圖其終者有終其事而不得專
其功者有無其事享其成而前
之美者賴以彰後之盛者賴以

序

四

傳即余與熊君長君三人觀之
猶恍然曩日在行陣間竒正虛
實殆百出而不窮與期月以來
邑勉供職諸君子惠而好我繼
自今地方利弊必以聞政教得
失必以告窮通久變寬猛張弛

之道其悉言毋隱微特匡余之
不逮且足補志所未備焉是則
余之厚幸爾既與諸君子言即
述其語以授梓至若沿革興廢
之典則舊序詳哉言之矣增修
刪訂之功則邑紳實董其成矣

序

五

又奚藉余言之為綴旒也哉

嘉慶十二年

教授文林郎舒城縣知縣杜茂材譔

萬歷庚辰舊序

廬州知府葉逢春

江

舒邑之志自建國來至今凡五更修矣而此稱備而有體蓋邑令陳君博雅有史才大都俱其刪定者云所謂備而有體者何不佞好觀故事即宇內僻郡下邑之志輒見則輒取往往見其詳於人物之奇偉與山川之靈異而止爾餘皆畧而不書此遵何體哉夫國家郡邑有志久而更修者詎徒觀美為也蓋欲知戶口之盈虛田畝之膏瘠兵壯之畢勇民力之勞逸城守之完缺錢穀之盈縮與夫風俗之淳劣令吏茲土者按志而考之可以因俗而注措起弊而推移者舒城縣志

舊序

一

舒城縣志

舊序

二

居多焉故太史公作史即平準溝渠貨殖等亦加詳良有意也然而以不佞觀之山川人物亡論矣而至若城守若傳遞若陂塘圩堰若馬政若貢賦津渡等類比前志獨悉顛末與利害大較苟有志治者可舉此而措之邑大理矣按考舒為古舒子國嗣是地屬巨鎮宋末則鄰偏金人沾濡王化十不一二其歲自入版我明則為畿輔要區風教首及戶巷詩書百姓垂者不識干戈戰爭之苦誠有如前志序所稱者第頃水旱相仍賦役靡止民有不堪生若可虞者按是志而考之比之往昔其虛單瘠縮勞苦而趨於劣者

不可同日語矣不佞不能不三復於斯

康熙癸丑舊序

舒城知縣 張文炳

歲壬子

皇上御極之十一年歲旬教寧方輿清宴

詔下京省府州縣咸令輯其舊章飭為新典以代陳詩之

采王會於昭肅供

睿鑑於時九月十二日督撫下監司監下郡縣文炳受

命凜然周咨慎重乃合邑之紳士分卷編輯於本年

十月十五日詣

先師廟左廡書院祀神開局公給筆劄各從厥事惟是舒

邑自前代壬午以來舊章缺失蒐采無從廣詢故族

舒城縣志

舊序

三

得前原任河南濟源縣令祝長伸手纂一冊雖可遵

循猶未悉備因詢知浙江嚴州府遂安縣前任舒令

章君可試搗有舒志刻本歸里走使搜求僅得舊本

五冊雖多缺略皆已畧具大端相與似續懿徽鋪陳

往烈自壬子冬初癸丑春抄凡六閱月而藁成竊惟

聖人以人文化成天下雖一邑必有典章嘗考舒之

舊志修於前萬歷己卯至前崇禎癸酉續修止於繕

書成編未付剞劂迄今九十五年矣欣逢

聖朝分符茲土者不一啟闢招徠各著懋績文炳江右小

儒資秉庸拙蒞舒三載簿書鞅掌不廢編纂雖不能

步前哲而備後觀援規制而別美惡今採摭補苴幸

而卒業不禁慨然曰此九十五年間人物盛衰山川

玉變丁徭增減風俗污隆畧盡於是矣最爾舒邑當

江淮上游輪蹄孔道山川苞蘊人文商皇前此玉帛

雲韃魏卓膺仕者指不勝屈莫不尊崇道學輝赫事

功近則光氣韞蒸科名蔚勃天地之運翕久而闢人

事之會鼎乃得新固知其為山川環秀人物效靈耳

我

皇上統一區宇酌古準今郡國在所保釐而天下大觀亦

彙乎此焉故言無取鋪張肯惟在勸懲遵倣前例為

舒城縣志

舊序

四

圖為傳為碑記葺綴九十餘年之缺文以成三十餘

年之新典以興舒人講樂利之庥揚忠孝之烈其為

當世之務孰先於此歟

附舊志同修姓氏

庚辰進士胡永亨

本學貢士芮春榜

本學生員孫昌裔

董任

祝繩武

盛燝

祝履端
曾顯
曾道矩
張鼎
姚永蕃

舒城縣志

舊序

五

康熙癸丑舊序

訓導朱安國

舒城自罹兵燹文獻無徵孝廉祝長伸於亂後掇拾遺稿藏於家邑令張君文炳採訪得之用以抵據延紳士隨類增刪衷集成書安國備員學訓幸觀其成得以附名簡末是宜有言乃拜手而言曰

聖天子之德豈不大哉平定區夏與民休息深仁厚澤中外稔福黎民免革饑寒之苦窮陬僻壤均德澤汪濊咸樂壽康即彈丸一邑驗知薄海內外矣舒城丁明季之亂殄於流寇城郭鄉村山谷區濞盤踞出沒彌歷年所屠掠焚燬幾無遺類以至埋魂幽石委骨窮

舒城縣志

舊序

六

塵城市中荆榛塞路里無居人春去秋來草生木長而已逮天祐下民

皇清定鼎神武以克亂仁愛以保民建賢陟能戢兵察吏億兆安全九域蘇息舒城之受栽培者幾三十年元氣漸充厄癘瘳日起遺民之流散者漸歸四方之招集者響應受籍者皆為土著以長子孫年已成丁秀者橫經樸者負耒瞻望多有茨宇子弟復事詩書才俊蔚起科第卓越月異而歲不同矣故縣誌輯成攷閱今昔天文分野不殊昔之天文分野也山川形勢不殊昔之山川形勢也疆圉險要不殊昔之疆圉險要

也戶口丁徭亦不殊昔之戶口丁徭也地畝錢糧不殊昔之地畝錢糧也人物風俗幾希昔之人物風俗也學校科名幾希昔之學校科名也至於戶口丁徭凡自壬午之後幾為無人幾為棄地者今自承平以來大都已復舊觀是皆

聖澤仁育之功上臺綏輯之德有司撫字之力也舒之士民享今日之生全追念昔年之禍亂無不頌

皇仁歌帝力民生斯世豈非和樂者乎第四郊田畝因亂亡之後冊籍不存開墾以來稽復故額茫無可據奸猾之流不無任私盈縮高下惟意以致土田如故額

舒城縣志

舊序

七

之缺者十三均攤民間冒符原數以故舒城之賦皆田七而賦十通邑供田外之賦中藏不賦之田者十之三民不堪命所時有也近讀憲檄諄諄於以荒作熟之病民以熟作荒之蠹國則知田外之賦與不賦之田皆

聖仁憲德所軫念也舒民其望歟

康熙癸亥舊序

舒城知縣張傑

古者天子巡狩方嶽清問下民虞周之間定為五年十二^年之制乘輿所至覽其山川辨其風土之察其習尚貞淫太史陳詩司市納賈凡邦國之所紀載者不待披冊而已瞭然在目矣後世所恃以周知四方者惟郡邑之志耳夫志在郡邑雖不出一隅然積邑而為郡積郡邑而為省會積省會而為五服為九州則志一縣者聚而繪之即王會圖也衷而輯之即一統志也然則縣之先務孰有急於志哉舒城在前明之壬午間寇禍尤烈城郭廬舍蕩為灰燼而邑乘無復

舒城縣志

舊序

八

存矣聞有蒐之故老野人類垣破鹿中者多漫漶不可考前邑令張君文炳延請紳士開局纂輯尋以謝事未獲卒業繼承之茲土索邑志而聞之苦其甲乙錯互承魚莫辨亟進彙所從事者分受卷帙細加校讐而後犁然可觀矣今試取其書而讀之考其山川則龍眠鵲諸諸勝如奔赴几席間焉稽其風土則環舒之疆域土原水深男耕女饁務本業而羞奸利者其人呼之欲出焉且載其物產則知其鄉之不貴異物考其謠俗則知其民之不蹈匪彝不寧惟是今茲土者自三劉濟美以來撫我者有實錄虐我者無諛

詞則此志可以為官箴人物之以科第顯者無論矣其卓犖如文翁武功有公瑾文章有公麟諸弟弟子其後者即不能積薪居上當勉為大雅嗣音也則此志可以為士識其他記錢穀則積銖累黍奸胥不得侵漁詳水利則此疆彼界豪民不敢兼井是一志成而諸善備焉則舒之先務誠莫有急於志者也願可任缺然湮沒而不彰也哉今幸彙為成書余得藉手以獻即以當太史之陳司市之納焉可矣

舒城縣志

舊序

九

康熙庚辰原序

舒城知縣沈以弼

古者經經而史緯顧史未有不本於經者也今郡邑之志大都倣班氏而義例悉本六經故疆域憲諸禹貢法制準乎周官風俗寓五禮之修廢貶竊春秋之旨象大壯而真宮室繼風雅而著詩篇六藝之體備焉於以藉往蹟而鏡來葉若此其重也苟其規厲罔聞浮夸失實即摘雲霞而窮隸首君子奚取焉廬之屬邑八舒為最近古顓頊揚州之域也其立縣自漢始舊有志兵燹之後無復存矣

舒城縣志

舊序

十

國朝以來前後蒞茲土者一修於癸丑再修於癸亥然其

繁者靡精畧者弗該條例參差而未合體裁駢語多而難名簡要識要者既為近奉

功令凡郡邑之志悉準秦豫無容異同值 府憲張公郡

志告成各屬以次具舉以牋承乏茲土敢不引為己任適蒙齋王徵君來游於廬州邑誌書多屬裁定因相與揚推協以諮謀準之獨斷參辨証於陳編覈品隲於素履或躋而新或汰而舊約者益之繁者裁之附者離之判者合之仍舊貫者什之伍經創始者什之三為之圖以標其形勝為之表以溯其源流志以考歷代之典章傳以槩生平之行誼凡六閱月而成

言雖不敢謂考訂精詳綜覈具備視夫繁蕪滲漫之書則有間矣蓋史之作也搢紳先生每難言之以昌黎之文能起八代之衰猶不敢言作史其次無論矣今志亦外史也狃於時俗之說則虞夸揚於雌黃之口則虞格採諸家乘之文則掠美為多繩以筆削之旨則叢怨尤衆求其有裨治道允協人心者蓋鮮是以難言之也

今天子治基郅隆留心吏治為吏者宜何如而後無曠厥

職哉古亦有言不習為吏視已成事前事之無徵其若掌故何何政令之為也今舉是書而布之試覽其

舒城縣志

舊序

上

圖紀疇不凜凜於封守乎聞其興廢疇不兢兢於釐剔乎按其食貨稽其兵驛疇不勦自於民嚴乎觀其人文跡其品叙疇不致慎於生平乎於以立極樹教章化程物法守之典規厲之道於是乎備異日上之蘭臺石室以供珥筆之採訪未嘗不自茲乘始也此府憲所以率先州邑嘉興維新之意也於是書之成也爰書以弁其端云

附舊志同修姓氏

總裁本縣知縣沈以棧字企南浙江嘉興人
監修本學教諭吳宸梧字丹來常州宜興人

編纂本學訓導褚 槃字岱安松江青浦人
校訂本縣典史吳 燦 順天大興人

舒城縣志

舊序

上

雍正辛亥舊志序

舒城知縣 陳守仁

國家統一區宇重熙累洽有志以昭一代之盛典至鉅也我

朝疆域之廣亘古莫並良由

祖宗歷世相承至

聖祖仁皇帝仁漸義摩淪肌而浹髓蓋天下太平久矣 恭逢

皇上述作兼隆道法咸備

睿念康熙二十二年以後政教風化蒸蒸日上進於唐虞三代之盛宜事編纂勒成完書遍及郡邑皆得採輯以

舒城縣志

舊序

十三

上戊申春守仁

欽命調繁舒城恭承

俞旨用是竭蹶不遑延合邑紳士周詳慎重擇於雍正七

年七月詣

先師左廡擇期開局凜然各慎厥事焉攷邑誌之例曰星

野曰山川曰疆域曰戶口丁徭地畝錢糧曰風俗物

產曰忠孝節烈但星野有定次山川疆域有定形至

戶口丁徭地畝錢糧風俗物產俱歷代相沿不無因

時遞更惟是忠孝節烈稟乎性發乎情不依形而立

不恃勢而存匹夫匹婦一念之誠輒合乎取義成仁

之大道修誌者弗加詳慎使實錄得以冒濫則潛德

幽光其湮沒於

盛世者不淺矣我

皇上躬膺大寶

特頒

聖諭廣訓躬耕田有諭勸農有諭舉子有諭之老農老婦

有賜深仁厚澤普天率土咸沐浴於光天化日之下

矣乃猶以

旌表孝義貞節之條實為鉅典恐幽光湮鬱潛德銷沉特諭禮部傳諭督撫學政諸臣務須各屬搜羅虛公核詢

舒城縣志

舊序

十四

確據本人鄉評實蹟題奏旌獎勿以匹夫匹婦而輕為沮抑勿以富家巨族而濫為表揚大哉

王言斯誠唐虞三代以來所未有也 仰遵

功令恐懼悚惶與教諭徐千之訓導余汝霖邑貢生賈

彬優生郭維祺校訂編纂莫不矢公矢慎自星野山

川疆域以至戶口丁徭地畝錢糧風俗物產繁者刪

之缺者補之訛者正之尤於孝義貞節益加兢惕務

需闡其幽發其微詳請者已荷

旌揚採訪者更需申達雖詳必慎雖覈勿苛閱三載方

行告竣用是編輯成帙以仰體我

皇上砥勵廉隅昌明教化一道同風之盛敢遵例彙括以
升諸簡

雍正辛亥舊序

舒城訓導 俞汝霖

曩家居瀾溪別墅讀百家子史諸書悉禹貢別九州
揚居其一廬蓋揚州金斗分野舒為廬屬邑漢文翁
公瑾宋龍眠三李所家也懋績豐功文章教化炳蔚
千秋景慕久之惜未躬履其地越戊申霖謬秉舒鐸
課士之暇於山觀高峯虎起春秋華蓋之巍我於水
見環帶桃溪七門三堰之紆折其人物娟秀風俗淳
樸彬彬禮義之邦也欣逢

聖天子海宴河清版圖式廓

俞令天下郡縣纂修邑志刪繁就簡惟嚴惟直進之蘭臺

舒城縣志

舊序

六

舒城縣志

舊序

十五

石室以備通志之採煌煌乎盛典也哉邑侯石屏陳
天南英才早擢高第以廉能自霍邱調舒清慎而勤
治官事如家事宣揚

上諭

諭親歷四鄉做古本鐸循路法又力行保甲纂弊

清而於修城治河勸農督課之餘取舊志而參辨裁

定之其間忠孝節義遠者恐事遠言湮近者虞草木

同腐爰諮諏採訪凡山川形勝人物臧否民生利弊

土俗沿革與夫疆輿濶狹賦役繁輕以及詩古辭賦

有關治道者靡不殫厥心力乃猶慮察識未周敦延

賈子均菴郭子景錫開局於學署之西齋以編纂之

任為屬益以兩子老成積學生長於舒素有見聞幽
光必發於焉考古證今補遺正偽晦者晰消者理蕪
者刪陋者飭其秉筆用心可謂詳且密矣閱三載成
書付諸剞劂霖亦從旁相與揚榷鑒別之仰惟我
國家道隆化洽政教休明遐邇欽承涵濡已久舒雖最爾
其山川靈秀人物粹精將見賢哲挺生勛名樹立俾
史冊輝煌後先相望庶不愧為文翁公瑾龍眠三李
之鄉倘是編進之蘭臺石室得邀採擇一二焉則此
志亦鼎鑪養腹而霖亦與有榮施是為序

附舊志同修姓氏

舒城縣志

舊序

七

纂修知縣陳守仁字近山雲南石屏人
監修教諭徐千之字毅齋安慶潛山人
訓導余汝霖字瀾漁池州銅陵人
編纂貢生賈彬字采成本縣人
優生郭維祺字景錫本縣人
校訂生員余懋熙字有光銅陵人
生員徐枝邁字亭表潛山人

舒城縣志

主修

賜進士出身廬州府知府
賜進士出身廬州府知府

申瑤
張祥雲

纂修

勅授文林郎舒城縣知縣
勅授文林郎舒城縣知縣

杜茂材
覺羅長庚

宿州知州前任舒城縣知縣

熊戴陞

參訂

戊申科舉人舒城縣儒學教諭

汪暹

舒城縣志

姓氏

一

壬子科舉人舒城縣儒學訓導

徐廷階

同修紳士姓氏

癸卯科舉人

孔繼序

甲寅科舉人候補中書

程浚

候選教諭前署婺源縣訓導歲貢生

高華

候選教諭前署石埭縣教諭拔貢生

曹秩

甲子科副榜

黃之鉞

辛酉科拔貢

黃荷

附貢生

高秀

生員

李日照

生 生 生 生 生 附 附 廩 歲 歲

貢 貢 貢 貢 貢

生 生 生 生 監
以上在局董事
己酉科舉人候選知縣
甲寅科舉人
戊午科舉人
候選教諭廩貢生
舒城縣志 姓氏

生 生 生 生 生 員 員 員 員 員

關夢桂 趙元音 朱文藻 李琮 石鳴鶴 江芳 孔繼洙 周大海 董臣 王重賓

員 員 員 員 生

趙佳祥 程兆聯 任大榜 汪太清 高芳

朱文檠 許煥 張觀化 鍾玉

生 生 生 生 生 生 候 監 監
以上五鄉採訪
舒城縣志 姓氏
選 衛 守 禦

員 員 員 員 員 員 生 生

秦春 程際盛 張大勳 吳毓灝 靳章紱 高恩沛 高珍 王鵬 祝華昌

三